





伏侯龍氏見姓謹按宜作侯伏侯氏紙韻一作侯伏氏者省  
文也此誤宜刪

姓韻卷八十二

屋韻中

或威張



宿 見風俗通

孝子傅宿倉舒陳留尉氏人少有至性七歲遭饑荒賣身于  
潁川王氏為奴得大麥九斛以供父母後起家為上黨太守  
後尋覓父母經太原南郭見母遂還舊居母卒悲號而死墓  
在陳留縣東四十里

風俗通漢有雁門太守宿詳汝南太守宿中談按郭林宗別



傳部從事宿仲諛柴車編荆為當通俗文車當屏星也

吳志公孫淵遣校尉宿舒與郎中令孫綜奉表於吳稱臣

後魏書宿石朔方人從太武平涼州有功賜爵漢安男祖若

豆根魏元明賜姓宿氏石尚主官吏部尚書

魏書虎威將軍宿沓干伐燕攻令支拔之按後燕錄作宿庫

干

宋書宿僧護明帝秦始中封建興侯

唐書宿翰成都兵馬都監李順之亂與上官正擊賊有功領

昭州刺史

氏族畧宋宿干之慶麻登科

程啟充文宿進字儒忠號一厓自稱蹈愚子生而穎異三歲

能通孝經宏治甲子舉于鄉戊辰舉進士授刑部主事時豎

瑾亂政庶獄隨意出入科條酷烈為力請於司寇平反者十

九都御史河南張嵩逮獄瑾欲中傷之進以死守法張賴以

生褫進俸半年司空吳獻臣為湖藩參政梏於朝門進請於

冢宰尚質遂釋吳庚午秋瑾誅張永用事番僧賊子盤據中

外辛未山東畿輔荒流賊四起進上弭盜安民疏有六患三

本大意以舊臣未復良吏未用姦諛未去死刑未孚租稅未



減欲汰內臣逐番職義子停差出官校是為六惠勤政以立  
萬化之本安靜以收人心之本省費以裕國用之本是為三  
本語甚剴切疏上忒廟震怒逮於廷杖五十夜半開宣武門  
械繫通州程逮回籍天明抵潞河進始甦張目索水畧無尤  
悔歸里以杖創痼疾卒年四十有二嘉靖初詔贈光祿寺少  
卿諭祭治葬仍勅建專祠有司春秋饗祀所著有一厓稿夾  
江志其刑名家駁擬招葛參覆奉議情法精到按凌氏以為  
忤瑾受杖即卒非也

氏姓謚宿儒掖縣人正德舉人嘉靖甲辰進士宿慎會宣人  
景泰庚午科進士宿慎明會宣縣舉人  
四川志宿生澍夾江人字霖蒼明贈光祿進之孫雍正壬子  
舉人官安東知縣以清白世其家

宿沙氏此姓諸書無今補按即風沙氏

說文古者風沙初作鬻海鹽魯連子宿沙瞿子善煮鹽按瞿  
一作渠風沙為姓瞿子其名也

左傳齊有風沙衛漏師于多魚

宿勤氏按一作宿勒字相近而易

北魏書宿勤明達先為胡琛將後為万俟醜奴之帥夏州人



初降于爾朱天光後復北走謀攻降人叱干麒麟并其眾為  
賀拔岳所禽

北魏書北地功曹毛鴻賓請討賊自效遂禽送宿勤烏過仁  
烏過仁者明達之兄子也

北史毛遐傳魏時宿勤買奴反自稱京兆王

後燕錄慕容韜遣司馬宿勒黎與慕容永或衛將軍刁雲逆  
戰永執而戮之

晉書慕容泓謀臣宿勤崇殺泓按前秦錄作宿勒崇

隨書豆盧毓傳漢王亮反往介州毓出皇甫誕因與之協計

及開府盤石侯宿勤或等閉城拒諒

宿六斤氏見官氏志

復 見姓謚

左文十年傳厥貉之役期思公復遂為右司馬

國策衛公近癰疽彌子瑕二人者專君之勢以蔽左右復塗  
偵謂君曰昔日臣夢見君君曰子何夢曰夢見竈君君忿然  
作色曰吾聞夢見人君者夢見曰今子曰夢見竈君而言君  
何也有說則可無說則死對曰日并燭天下者也一物不能  
蔽也若竈則不然前之人場則後之人無從見也今臣疑人



之有煬于君者也是以夢見竈君君曰善於是因廢癰疽彌  
子瑕而立司空狗注復塗偵衛人補曰韓非子亦見此文而  
稍異

正字通元有復見心

雍大記復揚清永樂間官扶風典史籍民為上中下三等均  
役莫不從令貧無牛種者即為假貸秩滿民謁闕乞留乃升  
祿復任

雙流縣志復衍雙流縣人能詩

復隆氏按一作復陸此姓諸書無今補

漢書景帝紀杜侯屠者堂蘇林曰姓復隆其祖父復隆支本  
匈奴胡也歸義為屬國三從驃騎有功乃更封也按史記作  
復隆支成帝元狩四年封子偃偃子屠者屠者子宣平宣平  
子福坐非宣平子除屠者下無堂字

肅 見姓苑韻誼姓纂

氏族畧宋有肅仲恭

氏姓誼金使肅錚寶麻中判吉州軍肅灝歸善人永樂舉人  
任教諭肅元燾山東人官隴西知縣

六 見姓源韻誼



縮 此姓諸書無今補

國策魏攻管而不下安陵人縮高其子為管守信陵君使謂安陵君曰君其遣縮高吾將仕之以五大夫使為持節尉安陵君曰安陵小國也不能必使其民使者自往請使道使者至縮高之所復信陵君命縮高曰君之幸高也將使高攻管也夫以父攻子守人大笑也見臣而下是背王也父教子背亦非君所喜也敢再拜辭使者以報信陵君信陵君大怒遣大使之安陵曰安陵之地亦猶魏也吾今攻管而不下則秦兵及我社稷必危矣願君生束縮高而致之若君弗致無忌

將發十萬之師以造安陵之城安陵君曰吾先君成侯受詔襄王以守此地也手受大府之憲憲之上篇曰子弑父臣弑君有常刑不赦國雖大赦降城止子不得與焉今縮高雖辭大位以全父子之義而君曰必生致之是我負先王之詔而廢大府之憲也雖死終不敢行縮高聞之曰信陵君為人悍而自用也此辭反必為國禍吾已全已無違人臣之義矣豈可使吾君有魏患也乃之使者之舍刎頸而死信陵君聞縮高死服縞素避舍使使謝安陵君曰無忌小人也困於思慮失言於君敢再拜釋罪按通鑑綱目縮高之子仕於秦



苜宜从縮音讀此姓諸書無今補

按晉廣成將軍缺產碑陰有翊威將軍苜大白安苜唐韻韻會並同縮周礼注蕭字或為苜苜字讀為縮又唐韻古音苜茅之苜亦作蕭音讀集韻音由者水草也

斛見急就篇

魏書魏主騰馬得上刺夏尚書斛黎文殺之

後趙錄朔方鮮卑斛摩頭石虎使太子宣敗之

姓氏急就篇北齊有斛子慎宋紹興中斛繼善判汀州事

斛律氏見北史

魏孝文祭比干墓碑陰有直閭成衛中臣高車部人斛律慮

北齊書斛律羌舉太安人世為部落酋長父瑾魏龍驤將軍

成川鎮將羌舉少驍勇有膽力永安中從爾朱兆入洛後歸

誠齊神成天平中除大都督元象中除青州刺史興和中轉

夏州刺史時神成欲招懷遠夸令羌舉使于阿至羅宣揚威

德前後稱旨甚被知遇子孝卿少聰明機悟有風檢成平末

官侍中開府儀同典機密後主至齊州以孝卿為尚書令後

詣勸歸成帝從入長安授納言上士隨開皇初位太府卿卒

于民部尚書常與牛弘蘇威奉使至突厥



周書于謹傳謹與廣陽王破賊主斛律野穀祿等

齊書斛律金字阿六敦勅勒部人高祖倍戾利魏道武時內附位大羽真租幡地斤殿中尚書父那瓌光祿大夫金性敦直善騎射用兵用匈奴法望塵知馬步多少嗅地知軍度遠近先從破六韓拔陵知陵終敗乃歸魏為杜洛周所破與兄平脫身歸爾朱榮神武密懷匡復金贊成大謀破紇豆陵于河西河橋之役軍敗金請急向河東後除大司馬性質直不識文字本名敦苦其難署改名為金從其便易猶以為難司馬子如教為金字作屋况之其字乃就天保三年除太師四

年解肆州刺史任還京車駕幸其第歡宴詔金第二子豐樂為成衛大將軍仍詔金孫成都尚義宣公主遷左丞相金長子光大將軍次子羨開府儀同三司天統三年薨謚曰成子光嗣光字明月馬面彪身神爽雄傑少言笑工騎射從文襄出野見雁雙飛光以二矢之俱落常從文襄于洹橋校獵射落雲間之雕丞相屬邢子高嘆曰此射雕手也當時號落雕都督河清三年射殺周庸公王雄遷大尉天統元年初轉大將軍周軍圍洛陽光率騎禦敗其將宇文榮加右丞相并州刺史敗周柱國枹罕公普屯威又敗柱國紇干廣畧于宜陽



穆提婆與祖珽以謠言告帝帝使劉桃枝撲之于涼風堂以  
弓絞冒其頸拉殺之血流入地剗之跡終不滅朝野惜之羨  
字豐樂少機警善騎射河清三年為都督幽州刺史突厥不  
敢犯邊謂之南面可汗以謹直稱雖極寵榮不自矜尚合門  
貴盛深以為憂夢著枷鎖及光誅敕中領軍賀拔扶思等馳  
驛捕之遺領軍大將軍鮮于桃枝洛州行臺僕射獨孤永業  
發定州騎續進見執死于長史廳事並害五子金兄平少便  
弓馬神武起以都督從皇建時為青州刺史東魏時封定陽  
郡公按胡身之通鑑注金子羨字豐樂此傳則為二人或都  
光之長子也為兗州刺史次須達先卒世雄恒伽亦光子皆  
尚主羨有五子伏護世達世遷世辨世簡皆為齊殺  
北魏書鐵勒斛律沙門附于賀拔岳

魏書西部敕勒斛律洛陽反于桑乾西與費也頭牧子相連  
結游擊將軍爾朱榮擊破洛陽于深井牧子于河西

北齊書斛律氏北齊樂陵王百年之妃齊主湛以白暈圍日  
殺百年沈水妃哀號不食月餘卒玦猶在手拳不可開其父  
光自摩之乃開

齊書周師破齊齊主入鄴斛律孝卿請齊主親勞將士為之



撰辭且曰宜慷慨流涕以感激人心齊主既出不復記所受言遂大笑左右亦笑將士皆怒

按唐卽官題名有卽中斛律貽慶又斛律齊有對賢良方正科策見全唐文

斛斯氏見魏書

晉書魏大將斛斯蘭寇徐州圍彭城

魏書北部尚書斛斯延生郭郭生椿椿字法壽官恒州刺史常山郡王謚曰文宣四子悅恢徵演演為齊神武所殺三子入關徵字士亮博涉羣書尤精三札兼解音律拜司樂中大

夫進位驃騎大將軍轉內史下大夫周武帝以其經有師法詔授諸皇子呼為夫子宣帝肆行無度徵上書諫下獄獄卒張元以佩刀穿牆送出匿人家隨文帝卽位除太子太傅子該嗣徵所撰樂典十卷斛斯元壽椿弟也性剛毅諒直武力過人彎弓兩石左右馳射歷位吏部尚書豫州刺史按謝啟昆西魏書無元字疑脫誤

談藪北齊高祖嘗宴羣臣酒酣各令歌樂武衛斛斯豐樂歌曰朝亦飲酒醉暮亦飲酒醉日日飲酒醉國計無取次上曰豐樂不諂是好人也



西魏書永熙元年以車騎將軍揚州刺史斛斯敦為驃騎大將軍儀同三司

齊書文宣時有斛斯慶告善相人皇甫玉漏言者又太上皇帝詔侍中斛斯文畧報聘于周

齊書合州刺史斛斯昭攻梁歷陽拔之

隨書庾質傳大業中尚書兵曹郎斛斯政明悟有器幹為楊素所礼乎感據黎陽反政叛入高麗按高士廉傳政時為兵部尚書

按馬周疏云斛斯正止能調馬不宜超授官爵鳴玉曳履與士君子比肩此非隨世之斛斯政也

按杜甫有過故斛斯校書莊詩二首自注老儒艱難時病于庸蜀歎其歿後方授一官英華注云名融又公詩有走覓南隣愛酒伴注云斛斯融吾酒徒

唐書斛斯敬則龍朔中官右典戎衛將軍

斛拔氏此姓諸書無今補

齊書馮景說賀拔岳曰夏州刺史斛拔彌俄突勝兵三千餘按彌俄突後為高歡禽因用之

斛穀氏此姓諸書無今補



後趙錄趙太子宣擊鮮卑斛穀提大破之按晉書南燕慕容超遣將斛穀提公孫歸寇宿豫陷之

斛粟氏見孔至性氏錄

斛薛氏見唐書此姓諸書無今補

斛盟素氏見唐書

斛瑟羅氏見魏官氏志

唐書郭元振疏云烏質勒之將闕啜忠節嘗請斛瑟羅及懷道為可汗

御史臺記于時西番酋長大將軍斛瑟羅家有細婢善歌舞

來俊臣令其黨羅告斛瑟反將圖其婢諸酋長詣闕割耳磔画訟寃者數千人乃得不族按其子懷道為右武衛將軍又按酷吏傳作阿史那斛瑟羅是斛瑟羅非姓也

斛阿列氏此姓諸書無今補

齊書以斛阿列羅為司空按一作斛律阿列羅為司空

僕 見風俗通路史

左昭十七年傳楚靈王乾谿之難僕祈父從

左襄公三十年傳僕展從伯有與之皆死注僕展鄭大夫伯有黨



說苑僕子曰楊子智而不知命是以知多疑按一作故其智多疑

功臣表漢有輝渠侯僕多按霍去病傳作僕朋表又有易侯僕黜師古曰黜音恒僕朋生電征匈奴戰沒漢表作雷電官屬國都尉

梁始興忠武王碑陰有吏僕玫苑

廣異記有僕僕先生自云姓僕名僕家于光州樂安縣黃土山三十餘年精思餌杏丹後升雲而去

唐李嗣續畫品錄僕道興善畫在下品中按僕一本作濮也

氏族畧宋有僕斗南淳祐中知泉州

氏姓諸誼僕淮桂林人正德中任善化縣訓導按淮一作雅僕蘭氏見魏官氏志

宋書幢主王陽兒擊魏豫州刺史僕蘭破之僕蘭奔虎牢按此止舉其姓也

僕固氏見唐書按一作僕骨

北齊書幽州反者僕骨那以李勇為本郡范陽王

唐書僕骨歌溫拔延生乙李啜乙李啜生懷思懷思破安史復二京有功位太保兼中書令朔方節度大寧郡王辛雲京



與之有隙奏其反狀遂反于瑒朔方行營節度使為其下所  
殺懷恩母嘗勸勿反詔輦其母歸京師給待優厚月餘以病  
卒懷恩有從子僕固名臣在回紇營以千騎降按懷恩子玠  
為左武鋒使與虜戰敗降之復逃歸懷恩斬之又賀懷恩死  
並諸道破賊表云邠寧節度使白孝德破僕固淑下兵馬是  
淑亦懷恩子也

吐蕃傳咸通七年北庭回鶻首領僕固俊擊取西州收諸部  
又與吐蕃大戰斬論恐熱首傳京師

李德裕集有右鷹揚衛郎將僕固郡骨支

南詔傳異牟尋與韋皋書曰僕固志忠身亦喪亡

濮

見姓苑路史

李嗣真續畫品錄劉宋有濮萬年弟道興按名畫記萬年有

蘇門先生圖名臣像道興有列女辨通圖傳于代

氏姓謚宋濮坦歸安人隆興登科知龍溪縣廉明有吏才濮  
俊民字敏吉開封人濮温其即或人饒州府教授

趙子昂墓誌濮鑑字明之桐鄉人父振仕宋承節郎兩浙江  
兵馬副都監鑑于大德末捐米千石活饑者授淮安路屯田  
打捕司提舉



明史濮真鳳陽人累功都督僉事死節追封樂浪公子璵生  
數月封西涼侯樂浪公都督濮英戰沒金山追封金山侯  
或進志濮智字明用或進人成化中由舉人任政和教諭學  
博行修士林欽服濮晉或進人成化壬辰進士  
當塗志濮韶字和仲當塗人弘治進士未冠即以文名授編  
脩早卒濮頤弘治己酉舉人知曹州事

濮陽氏見陳留風俗傳

謝承後漢書外黃令隴西牛述延名士濮陽潛為主簿按高  
士傳後有人識夏馥聲音者以告同郡上黨太守濮陽潛使  
人以車迎馥馥自匿不肯見潛車三返乃得致

吳志漢末有濮陽逸陳留人避亂江東官至長沙太守子興  
字子元孫休時為太常衛將軍平軍國事遷丞相孫皓立或  
譖之徙廣州道追殺之按休居會稽時興為太守深與相結  
及即位與張布並見信用

吳書張紘從外黃濮陽闔受韓詩及礼記左氏春秋

晉書五行志元帝太興二年丹陽郡吏濮陽演馬生駒兩頭  
自項前別生而死

唐書濮陽愿閩人時宏農楊凌見之推挹其文徧語公卿間



會愿死凌子敬之為斂葬

唐藝文志濮陽夏樵子五行志五卷祿命人元經三卷

唐文大庠時嶺南叛官檢校刑部員外濮陽灌又大庠進士

濮陽守鄉貢進士攝館驛巡官

書史會要唐濮陽興有所書歸藏初經行于世此又一濮陽

興也

氏姓謹濮陽恭廣德人永樂進士濮陽瑾字良玉天順癸未

貢試第一授山東寧陽縣丞政尚寬平當道欲薦諸朝瑾以

親老懇乞濮陽鈇和治十八年貢學行純粹任南京戶部照

磨濮陽傅萬庠間上虞丞濮陽春萬庠辛丑進士宣城人濮

陽景旦崇禎三年任海門訓導

鄙  
見風俗通

按漢有開通褒余道石刻漢中太守鄙君其文云永平六年

漢中郡以詔書受廣漢蜀郡巴郡徒二千六百九十人開通

褒余道太守鉅鹿鄙君鄙掾治級王宏史荀茂張宇韓岑弟

其功作太守鄙君未書名但云鉅鹿著其望耳

風俗通漢有東海太守鄙熙

畜  
見姓苑



印藪漢畜客畜意畜梁按亦見集古印譜

叔 見世族譜廣韻姓纂路史

按魯文公少子叔肸叔肸生子叔聲伯公孫嬰齊嬰齊生子叔齊子叔老老生敬子叔弓弓生叔輒伯張又生叔鞅鞅生叔詣詣生成子叔還還生青青生世皆為魯大夫亦稱子叔

氏

國語周有叔興叔服晉有叔堅為七輿大夫里克五丞鄭之黨左僖公七年傳鄭叔詹并堵叔師叔為三良又戢黎之佐叔糜誘鬪克殺之

呂氏春秋齊有高堂大夫叔無孫按平阿之餘子得戰止矛以問于叔無孫也

漢書光武破虜將軍叔壽擊五校賊于曲梁戰沒按馮異傳異薦邑子鉅期叔壽段建左隆等是叔壽潁川父城人也

續漢志司空周章與王尊叔元茂等謀欲閉宮門捕鄧氏兄弟誅常侍鄭眾蔡倫劫制尚書廢皇太后封皇帝為遠國王泰山都尉孔宙碑陰叔香朱龔尊引作暴香誤

氏族畧唐有叔極趙人為萬年令

叔向氏見世本姓纂



叔魚氏見姓纂

叔孫氏見春秋人謚

按左傳叔孫莊叔得臣杜注叔牙孫叔孫宣伯僑如得臣子因獲長狄僑如以命宣伯叔孫穆子豹杜注豹僑如弟叔孫昭子媯杜注豹之庶子叔孫成子不敗杜注媯之子叔孫成叔州仇杜注不敗之子叔孫文子舒杜注成叔之子又有叔孫輒子張杜注輒叔孫氏之庶子

楚漢春秋叔孫通名何薛人為太子太傅按周礼正義云叔孫通作漢礼器制度多得古之周制故鄭君注礼依而用之玉海云高祖詔叔孫通制儀品十六篇

漢書劉愷侍安帝初叔孫光為清河相犯贓抵罪遂增銅二世釁及其子

漢書第五種傳泰山賊叔孫無忌橫暴一境州郡不能討衛羽說種曰中國安寧忘戰日久而泰山險阻寇猾不制羽往說降之種敬諾羽備說禍福無忌即其黨與三千餘來降

通典魏晉時有叔孫郭定科律但取鄭氏按晉書刑法志叔孫宣郭令卿馬融鄭玄諸儒章句十有餘家數十萬言凡斷罪所當由用者合二萬六千二百七十二條七百七十三萬



二千二百餘言是通典脫宣字誤連下郭字也

後魏書叔孫建代人父骨為昭成母王太后所養與皇子同列建少以智勇稱明元即位以為正直將軍相州刺史饑胡劉成等叛假建前號安平公督公孫表等討成斬首萬餘級晉劉裕伐姚泓兗州刺史尉建棄城走詔建渡河曜威斬尉建投尸于河太成時除平原鎮大將加鎮南大將軍封丹陽王建沈敏多智又雅尚人倫凡賢愛士謚曰襄子俊字醜歸王建沈敏多智又雅尚人倫凡賢愛士謚曰襄子俊字醜歸少聰明便弓馬為獵郎道成崩清河王紹閉宮門明元在外紹逼俊以為己援俊偽從仍與元歷磨渾等說紹歸元明及

即位遷衛將軍賜壽安成公朱提王悅懷刃入禁欲行大逆俊覺執悅殺之明元以俊功重軍國大計一以委之俊性平正柔和未嘗有喜怒色卒年二十八歲謚孝元子蒲襲壽又建子鄰坐法誅

魏書拓拔珪以叔孫普洛為北部大人分治其眾又益兵遣兵西掠至長安將軍叔孫拔與戰于渭北大破之

北齊西門豹祠堂碑陰有記室從事魏郡叔孫子慎字僧護按唐叔孫老成德元年為隴州刺史唐又有叔孫伯對葉農判叔孫元觀大厯時人



按唐叔孫矩河南人鄉貢進士有揚州六合縣靈居寺碑文  
又叔孫元觀有仲冬時令贈皆見全唐文

代宗詔叔孫勝官廊都坊禦使前將右驍衛大將軍按勝與  
蕭昕同時也

叔仲氏見世本世族譜

按惠伯生叔仲皮皮生叔仲昭伯帶為隧正帶生叔仲穆子

小小生叔仲志

史記孔子弟子叔仲子會字子期少孔子五十歲與孔璇年  
相比每孺子之執筆記事于夫子二人迭侍左右家語云魯

人

礼記檀弓叔仲皮學于子柳叔仲皮死其妻魯人也衣衰而  
繆經叔仲行以告請總哀而環經鄭注叔仲皮叔孫氏之族  
按世本惠伯子衍衍益皮之弟子柳叔仲惠之子子碩之兄  
叔教氏見姓譜

姓纂公羊有叔教段為景王大夫按一作叔達段

叔先氏見姓纂

范蔚宗後漢書叔先雄捷為人父叔先尼和按水經注先維  
符人父先泥和為縣功曹順帝永建初縣長趙祉遣謁太守

乘船墮死雒于父溺處慟哭自投水是夕見夢于弟賢曰後  
六日當與父尸同出如期候果然郡縣表言為立碑圖像  
陽國志亦無叔字雄作絡

叔帶氏見英賢傳路史

說苑齊大夫有叔帶子莊父為莊公宰御按英賢傳引今說  
苑無此文

叔山氏見姓謹

左傳十六年傳鄆陵之役叔山冉謂養由基曰雖君有命為  
國故子必射乃射再發盡殪叔山冉搏人以投中車折軾晉

師乃止

莊子魯有兀者叔山無趾踵見仲尼仲尼曰子不謹前既犯  
患若是矣雖今來何及矣無趾曰吾惟不知務而輕用吾身  
吾是以止足今吾來也猶有專足者存

叔達氏見姓纂路史

姓纂周景王大夫有叔達焉一作叔達段見公羊傳按姓纂  
既引入叔教此又引為叔達疑有一誤

叔夙氏見世本

叔夜氏見姓謹



姓謚國語楚康王時有叔夜子莊按國語無此人

叔服氏見姓謚

姓謚晉成功大夫有叔服子要

叔梁氏見即思姓解

叔袁紇氏此姓諸書無今補

西魏書順陽王仲景失妻子乃娶故余朱天光妻也列氏本娼女有美色仲景甚重之前妻叔袁紇氏自洛陽間行至也列遂徙居異宅久之事露詔仲景殺之仲景謬殺一婢蒙其屍而厚葬以代也列徙于密處仲景恐妻子漏之遂謀殺袁

紇袁紇先覺復欲陰害也列

獨見姓苑

金樓子成湯誅獨木按說苑作湯誅蠹沐

唐封教文雲南清平官獨棟

氏姓謚獨立寧州人永樂舉人任平陽訓導獨善寧州人宣德中任行人獨賢赤水衛人正德舉人任四川安縣知縣

獨孤氏見唐世系表

西秦錄乞伏國仁以獨孤正蹄為左輔

孝文吊比干墓文碑陰北魏有成騎侍郎獨孤遙



世系表獨孤羅晨辰位定州刺史永安公生廷尉貞公萬齡  
萬齡生稽字延平鎮東將軍文公生鎮東將軍歸歸生冀  
隨書伏雷屯之後有俟尼生庫者後魏司空生周太宗伯衛  
國公獨孤信按信本名如願信第一子羅字羅仁襲父趙國  
公壽信入關之後復娶妻郭氏生六子善封河內郡公穆金  
泉縣令藏義或平縣公順或威縣侯陀或喜縣公整為千牛  
備身後至幽州刺史羅為左衛將軍子篡嗣仕至河陽郡尉  
篡弟或都大業末亦為河陽郡尉庶長子開遠字文化及之  
逆與獨孤盛力戰于閭下為賊所執善後官至柱國子覽仕  
至左候衛將軍按周書云善魏宣縣公穆文縣侯藏義宣縣  
侯順項城縣伯陀建忠縣伯昇隨書不同又隨書外戚傳云  
陀二子延福延壽

隨書字文化及之亂千牛獨孤開遠帥殿內兵數百人詣爭  
覽門叩閤請曰兵仗尚全猶堪破賊陛下若出臨戰人情自  
定不然禍今至矣竟無應者軍士稍散賊執開遠義而釋之  
隨書獨孤楷本姓李父屯從齊神武敗于沙苑為獨孤信所  
禽因冒姓獨孤氏為益州總管諷諭蜀主秀久之乃就路楷  
察秀有悔色因勸兵為備弟盛性剛烈有膽畧為右屯衛將



軍宇文化及之亂被害

齊書齊主入鄴廣宣王孝珩請使獨孤永業將洛州兵趣長安不聽永業字世基性鯁直不交權勢解律光求二婢弗得毀之于朝廷位開府封臨川王後入周為上柱國襄州總管唐書以長安令獨孤懷恩為工部尚書後謀反伏誅太宗時殿中少監獨孤晟

唐書獨孤及字至之左千牛元慶之曾孫蔡州長史思暕之孫殿中侍御史贈秘書監通理之第四子喜拔後進與李華蕭穎士齊名為文彰明善惡長于議論禮部員外郎濠毫二

州刺史累官檢校司封郎中末年嗜鼓琴得目病不治意欲專聽子朗字用晦元和中擢左拾遺勸憲宗罷兵貶興元府戶曹參軍後官工部侍郎朗弟郁字古風始生而孤育于伯父汜元和初舉制科為翰林學士為權德輿婿憲宗歎羨之為御史上書論中官以突承瓘不宜為河伯北招討使改官秘書少監郁子庠字賢府登進士第有至性官至尚書丞

按唐咸通中司勳員外郎獨孤霖出為宣州刺史有玉堂集二十卷金部郎中獨孤璉金部員外郎獨孤良器有放馴象賦太宗時幽州都督獨孤彥雲曾預誅隱太子齊王之事麟



德中詔涼州都督鄭仁泰率將軍獨孤慶雲屯涼鄴德宗朝  
官司諫倉部郎中獨孤元愷安祿山幕下有獨孤問俗後官  
湖州刺史鄂岳等州團練使獨孤滔著丹房鑑源顧况有黃  
鶴樓歌送獨孤助又獨孤晞元和中建寧太守獨孤邁寶麻  
中歙刺史遷秘書監獨孤良弼貞元間進士官左司郎中獨  
孤峻開元末為四鎮節度使夫蒙靈答判官又獨孤思行為  
洋州刺史又哀帝時貶鹽鐵推官獨孤憲為臨沂尉沂水令  
獨孤韜為范縣尉  
酉陽雜俎獨孤叔牙常令家人汲水重不可轉數人助出之

乃人也戴蓆帽攀欄大笑却墜井中汲者攪得蓆帽挂于庭  
樹每雨所濡處輒生黃菌

通鑑注武德四年赦王世充為庶人與兄弟子姪處蜀以防  
失未備置雍州解舍獨孤機之子修德帥兄弟至其所矯稱  
勅呼鄭王世充與兄世暉趨出修德等殺之其餘兄弟子姪  
等於道亦以謀反誅武德二年獨孤機兄弟為世充所殺故  
修德報仇

朝野僉載周瀛州刺史獨孤莊酷虐有賊問不承莊引前曰  
若健兒一一具吐汝還賊並吐之乃以一鐵鉤長尺餘甚



鉉利以繩挂于樹間以胛鉤之遣壯士掣其繩則鉤出于腦矣

唐書高宗以右武衛將軍獨孤卿雲等分屯涼鄯二州以備吐蕃又太子重俊率獨孤禕之汝吒忠義等殺武三思崇訓于其第按魏元忠貶嶺表時禕之餞于郊外張易之怒使人告與元忠同謀

唐書前魏州刺史獨孤思莊畏契丹猝至悉驅百姓入城繕脩守備狄仁傑至悉遣還農

宣室志建中末獨孤彥游淮泗天大風舟不得進登岸步月至佛寺僧赴里民會去俄有二丈夫來一人身長衣黑衣稱姓甲名侵許第五一人身廣而短衣青衣稱姓曾名元與彥揖吐論乎微出乎人表蓋鐵杵與甌之恠也

按韓退之文有獨孤申叔哀詞申叔字子重德宗時博學鴻詞中第為校書郎柳宗元有送申叔侍親往河東序國史補貞元十二年駙馬王士平與義陽公主反目蔡南史獨孤申叔播為樂曲號義陽子有團雪散雪之歌德宗聞之大怒欲廢科舉後但流斥南土乃止土一作史

按李商隱集有送獨孤雲詩舊唐書僖宗時以江西觀察使



獨孤雲為太子少傅

朝野僉載杭州參軍獨孤守忠領租船赴都夜半追集船人更無他語乃曰逆風必不得張帆眾大哂焉

談賓錄獨孤綬舉博學宏詞吏部考為乙策在中書于邵覆升甲科人稱允當

唐書地理志成都縣城南百步有官源渠隄百餘里天寶二年令獨孤戒盈築

獨異志貞元中獨孤遐叔游劍南歸至會光門外天暝止佛堂見少年攜女郎乃其妻也至家妻說夢中見遐叔與遐叔

同

唐書昭宗時有礼部尚書獨孤損為兵部侍郎同中書門下平章事後為靜海軍節度使先為中書舍人按損及之從曾孫也

氏姓謚獨孤樂善太和人永樂進士由庶吉士任礼部主事歷郎中時稱清白吏獨孤一敬樂安人宣德中任長陽知縣有惠政升潼川州知州

獨孤渾氏見官氏志







